

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 Ip 312501 21 Ip 2  
Sarajevo, 29.02.2024. godine

Općinski sud u Sarajevu, sudija Nenad Banduka, u izvršnom postupku tražioca izvršenja Postbank BH, Poštanska banka BiH d.d. Sarajevo, u stečaju, koju zastupa stečajni upravnik Bajramović Emin, ul. Put života br. 2, Sarajevo, a kojeg zastupa punomoćnik Začiragić Feđad advokat iz Sarajeva, protiv izvršenika Validus d.d. Varaždin u stečaju, ul. Anina br. 2, Varaždin, Republika Hrvatska, kojeg zastupa stečajni upravnik Nenad Homar, ul. Dravska br. 1, Koprivnica, Republika Hrvatska, radi izvršenja radi naplate duga, v.sp. 2.219.725,41 KM, van ročišta, dana 29.02.2024. godine, donio je sljedeće:

### RJEŠENJE o dosudi

I Tražiocu izvršenja se umjesto isplate dosuđuje 14.939 dionica, oznake IKBZRK2, emitenta ASA Banka d.d. Sarajevo, koje se vode u Registru vrijednosnih papira Federacije Bosne i Hercegovine, vlasništvo izvršenika Validus d.d. Varaždin u stečaju.

II Nalaže se Registru vrijednosnih papira Federacije Bosne i Hercegovine da izvrši prenos prava vlasništva na dionicama iz stava I ovog rješenja na tražioca izvršenja Postbank BH, Poštanska banka BiH d.d. Sarajevo, u stečaju.

III Nalaže se Registru vrijednosnih papira Federacije Bosne i Hercegovine da izvrši brisanje upisa ograničenja prava raspolaganja na dionicama iz stava I ovog rješenja.

III Rješenje o dosudi biće objavljeno na oglasnoj tabli Općinskog suda u Sarajevu.

### O b r a z l o ž e n j e

Na prijedlog tražioca izvršenja od 17.12.2012. godine, Sud je dana 18.12.2012. godine, donio rješenje o izvršenju, a na osnovu pravomoćne i izvršne presude Općinskog suda u Sarajevu broj 65 0 Ps 233936 12 Ps od 17.04.2012. godine, radi naplate novčanog potraživanja, koje izvršenje je određeno pljenidbom, prenosom i prodajom 14.980 dionica oznake IKBZRK2, emitenta ASA Banka d.d. Sarajevo, koje se vode u Registru vrijednosnih papira Federacije Bosne i Hercegovine, vlasništvo izvršenika Validus d.d. Varaždin u stečaju.

Sud je dana 31.10.2023. godine donio zaključak kojim je naložio Brokerskoj kući Raiffeisen Bank d.d. BiH prodaju 14.980 dionica, oznake IKBZRK2, emitenta ASA Banka d.d. Sarajevo, koje se vode u Registru vrijednosnih papira Federacije Bosne i Hercegovine, vlasništvo izvršenika Validus d.d. Varaždin u stečaju, prema posljednjoj tržišnoj cijeni na dan izdavanja naloga, ali ne manje od 50% nominalne vrijednosti dionica.

Podneskom od 10.11.2023. godine Brokerska kuća Raiffeisen Bank d.d. BiH obavijestila je sud da je u periodu od 2 mjeseca došlo do realizacije prodaje 41 dionice oznake IKBZRK2, emitenta ASA Banka d.d. Sarajevo, koje se vode u Registru

vrijednosnih papira Federacije Bosne i Hercegovine, vlasništvo izvršenika Validus d.d. Varaždin u stečaju, po posljednoj tržišnoj cijeni od 103,00 KM po dionici.

Tražilac izvršenja je podneskom od 04.01.2024. godine predložio sudu da se saglasno odredbi člana 190. stav 4. i 5. Zakona o izvršnom postupku FBiH (Službene novine FBiH' br. 32/03, 52/03,33/06,39/06, 39/09 i 46/16, u daljem tekstu: ZIP) dozvoli izvršenje putem prenosa predmetnih dionica u vlasništvo tražioca izvršenja umjesto isplate, obzirom da nije došlo do realizacije prodaje svih dionica koje su bile predmet prodaje, dok je isti podneskom od 19.01.2024. godine obavijestio sud da je im je od strane Brokerske kuće Raiffeisen Bank d.d. BiH, a po osnovu prodaje 41 predmetne dionice, prenesen ukupan novčani iznos od 4.166,94 KM.

Odredbom člana 190. stav 4. ZIP propisano je da ako se dionice iz stava 1. ovog člana ne prodaju u roku od dva mjeseca od dana prve ponude za prodaju na berzi ili u slučaju neuspjele prodaje iz stava 2., tražilac izvršenja može zahtijevati izvršenje putem prijenosa dionice u vlasništvo umjesto isplate. Rješenje o prijenosu dionice se dostavlja Registru vrijednosnih papira.

Kako je predmetnim rješenjem o izvršenju određeno izvršenje radi naplate potraživanja tražioca izvršenja na ime glavnog duga u iznosu od 2.219.725,41 KM, sa pripadajućim zakonskim zateznim kamatama, troškovima parničnog postupka u iznosu od 10.100,00 KM i troškova izvršnog postupka u iznosu od 2.000,00 KM, koji iznos je veći od iznosa cijene predmetnih dionica po kojoj su iste bile izložene na berzi, a tražiocu izvršenja je po osnovu prodaje 41 predmetne dionice prenesen ukupan novčani iznos od 4.166,94 KM, čime je isti u manjem dijelu namirio svoje potraživanje, nakon čega iznos njegovor potraživanje i dalje ostaji veći od iznosa cijene preostalih 14.939 predmetnih dionica po kojoj su iste bile izložene na berzi, to je sud rješenje o dosudi donio na osnovu odredbe člana 190. stav 4. ZIP-a.

POUKA: Protiv ovog rješenja se može izjaviti žalba Kantonalnom sudu u Sarajevu putem ovog suda u roku od 8 dana od dana prijema iste. Žalba se dostavlja u dovoljnom broju primjeraka za sud i stranke.

